



Broj: 03-45-2-1169/20

Datum: 11.06.2020.godine

OPĆINSKO VIJEĆE TEŠANJ

INFORMACIJA

o radu i poslovanju udruženja građana na području općine Tešanj za 2019.godinu

UVOD

Na prostoru općine Tešanj djeluje određen broj Udruženja građana raznih profila i područja djelovanja. Ovaj sektor je i za Općinu Tešanj interesantan, te se u tom smislu zajednički djeluje u različitim smjerovima radi poboljšanja prilika, prati se rad Udruženja građana i daje kontinuirana podrška razvoju ovog sektora.

Kontinuiranom podrškom Udruženjima građana, uspostavljaju se mehanizmi za kontrolu i nadgradnju aktivnosti koje prema prirodi nadležnosti spadaju u domenu Institucija, ali se na ovaj način dodatno uključuje i angažuje veći broj građana u njihovim aktivnostima, većinom na volonterskoj bazi.

Prilikom izrade informacije, Služba je koristila podatke dobivene od udruženja/organizacija, podaci kojima raspolaže organ uprave iz ranijih izvještaja i sl.

Napominjemo da informacija tretira udruženja sa kojima je Općina imala saradnju i čije su aktivnosti sufinansirane kroz budžet općine Tešanj, tj. u Ministarstvima pravde ZDK ili FBIH može biti registrovano mnogo više udruženja za prostor općine, a ova informacija se odnosi na ona sa kojima je Općina Tešanj saradivala ili sufinansirala dio aktivnosti. Udruženja nemaju obavezu da saraduju sa Općinom, ako nemaju zajedničke projekte i sufinansiranje od strane Općine. Ukoliko imaju, onda nam dostavljaju informacije, izvještaje i sl. Neka Udruženja postanu neaktivna, što dovodi u konačnici do prestanka djelovanja i rada, a resorno Ministarstvo u tom slučaju donosi Rješenje o prestanku rada.

PRAVNI OKVIR I RAD UDRUŽENJA

Rad Udruženja građana u Bosni i Hercegovini regulisan je entitetskim i državnim zakonodavstvom. Na nivou BiH 2001. godine je usvojen Zakon o udruženjima i fondacijama, a isti je dopunjen i izmjenjen 2016.godine. Na nivou Federacije BiH Zakon je donesen u martu 2002. godine. Pomenuti zakoni su usklađeni sa principima savremenih demokratskih društava. Registracija novih udruženja olakšana je Federalnim zakonom u kojem se u članu 11. propisuje da udruženje mogu osnovati tri fizička ili pravna lica.

Stanje na području općine Tešanj, dodatno je uređeno odlukama koje je donijelo Općinsko vijeće:

- Odluka o kriterijima za finansiranje nevladinih organizacija i udruženja građana ("Službeni glasnik" 9/05), te
- Odluka o izmjeni i dopuni Odluke o kriterijima, načinu i postupku raspodjele sredstava nevladinim organizacijama ("Službeni glasnik" 10/11) i
- Odluka o proglašenju udruženja od posebnog interesa ("Službeni glasnik" 9/06), te
- Odluka o izmjenama i dopunama Odluke o proglašenju nevladinih organizacija od posebnog interesa ("Službeni glasnik" 2/14).

Ove odluke nastoje dodatno urediti način finansiranja nevladinog sektora i nametnuti sistem planskog i projektnog pristupa u radu.

Primjenom Odluke o kriterijima za finansiranje nevladinih organizacija i udruženja građana došlo je do većeg nadzora nad radom udruženja. Neaktivna udruženja se i ne prijavljuju po pozivu. U toku 2018. i 2019.godine u toku edukacija koje su organizovane od strane Općine Tešanj, učešće su uzeli i predstavnici mnogih Udruženja, te time podigli i nivo svoje organizovanosti ali i radili na razvoju ljudskih potencijala i organizacione strukture. Udruženja prema oblasti djelovanja su vrlo raznolika, jer jedno udruženje vrlo često djeluje u više oblasti i teško ga je svrstati.

U slijedećoj tabeli predstavljeni su podaci o registrovanim udruženjima u Ministarstvu pravde ZDK za našu općinu. Kao što je nevedeno ovo su samo registrovana udruženja na kantonalnom nivou, registracija ne podrazumijeva rad, niti finansiranje aktivnosti od općine.

	Boračke organizacije	Crveni križ	Djeca i mladi	Vatrogasna društva	organizacije invalida	Izbjegljece, raseljeni	Kultura	Lov, rrbolov, pčelarstvo	Nacionalne organizacije	Penzioneri/starije osobe	Staleška udruženja	Tehnika (radio, moto..)	Socijalna zaštita	Privredna udruženja	Zaštita okoline	Zdravstvo	Sport	Romi	Žene	Ostali	Ukupno
Tešanj	7	2	8	2	3	1	12	4	2	1	1	1	3	2	3	5	31	-	5	19	111

Udruženja su grupisana u četiri grupe:

- udruženja od posebnog interesa (pobliže određeno Odlukom o proglašenju udruženja od posebnog interesa („Službeni glasnik“ 9/06) i Odluka o izmjenama i dopunama Odluke o proglašenju nevladinih organizacija od posebnog interesa (“Službeni glasnik” 2/16);
- sportska udruženja/društva;
- udruženja u oblasti kulture;
- ostala udruženja.

I UDRUŽENJA OD POSEBNOG INTERESA

Naziv udruženja	Ukupni prihodi	Dotacija od Općine za redovnu djelatnost	Pomoć članstvu i ostala davanja	Ukupni rashodi	Sjednice tijela	
					Preds.	Skupš.
Organizacija PŠ i PB	83720	12000	18300	49918	4	1
Organizacija RVI	54715	12000	18000	52972	9	1
UABNOR	10400	1200	8200	9689	3	1
UG „Zlatni ljiljani“	9600	6600		8996	5	1
JOB „Unija veterana“	65749,95	12000	30000	44246	6	1
UG invalida rada	3200	2400		3195	5	1
UG slijepih i slab. lica	10300	6000	3700	10276	4	1
UG „Sugar“ Tešanj	10735	2400	2500	9459	9	1
UG „Održiv povratak“	2400	2400		2323	5	2
Crveni križ Tešanj	100225	2400		108112	5	1
UG hroničnih bubrež.bolesn.	5860	2400		3421	1	1
UG „Crv. polumjesec“	6969	2400		5372	3	3
DVD Jelah	12033	2400	1600	9517	14	1
UŽ Naša porodica	9830	2400	2000	6521	1	1
Udruženje Oslonac	104901	2400	15000	95996	6	1
UG otpu. radnika iz RH	43772	3000		34261	24	3
DVD “Tešanj 1905”	7352	3850		8486	4	1

Neka od ovih Udruženja imaju članarinu, kojom takođe finansiraju značajan dio aktivnosti, pomoći članstvu i slično. Za ova Udruženja je na jednoj od prethodnih sjednica bila i posebna informacija sa analizom o rezultatima rada

Organizacija porodica šehida i poginulih boraca

Ovu organizaciju sačinjavaju porodice šehida i poginulih boraca Tešnja, Teslića i dijelom Doboja. U 2019. godini su vođene brojne aktivnosti: Izvršene pripreme i održan tradicionalni šehidski mevlud, Redovni obilasci bolesnih članova i njihovih porodica, obilježavanje Dana šehida drugi dan Ramazanskog Bajrama i obilazak mezariluka šehida i poginulih boraca, izvršene pripreme i održana godišnja skupština Udruženja, druženje sa porodicama šehida i boraca drugih Općina, priprema televizijskog programa "Sjećanje na poginule" na SMART Televiziji, Obilježavanje značajnih datuma na Općini i druge aktivnosti. Imaju riješeno pitanje prostora. Predsjednica Udruženja je Mehić Nura. Imaju vlastite prihode iz članarine koje koriste za podršku i pomoć članstvu, te isti su sastavni dio prihoda i rashoda

Organizacija ratnih vojnih invalida

Najznačajnije aktivnosti Organizacije u 2019. godini kao i ranijih godina odvijale su se u skladu sa Programom rada, a odnosile su se na: Pružanje pomoći članstvu u ostvarivanju prava poštujući Zakonsku proceduru, Obilazak članova na kućnom i bolničkom liječenju i pružanju finansijske pomoći najugroženijim članovima. Imaju vlastiti uslovan kancelarijski prostor. Imaju stalno zaposlenog sekretara koji radi puno radno vrijeme. Predsjednik udruženja je Sejdić Muharem. Imaju vlastite prihode iz članarine koje koriste za podršku i pomoć članstvu, te isti su sastavni dio prihoda i rashoda.

UABNOR Tešanj

Jedan od ciljeva Udruženja je očuvanje tekovina socijalističke revolucije NOB-a i briga o živim neposrednim učesnicima. U 2019. godini organizovano obilježavanje značajnijih datuma iz NOB-e. Članovi Udruženja su aktivno bili uključeni u održavanje spomenobilježja iz NOR-a Ukazivana je pomoć bolesnim članovima u nabavci lijekova, kao i novčane pomoći najugroženijim, ostvarena dobra saradnja sa nadležnim organima i organizacijama i vršeno uključivanje novih članova, posebno mladih antifašista. Članovi udruženja se redovno pojavljuju i na obilježavanju značajnih datuma Općine Tešanj. Udruženje koristi prostor sa O RVI Tešanj. Na žalost svake godine broj članova se smanjuje evidentno. Predsjednik ovog Udruženja je takođe Sejdić Muharem.

UG „Zlatni ljiljani“ Tešanj

U 2019. godini je nastavljeno sa promocijom i distribucijom knjige "U ime istine, Tešanj 1992-1995.", te započeta saradnja sa određenim ustanovama s ciljem interpretacije informacija što širem krugu čitatelja. Urađeno je i takmičenje putem Opće biblioteke Tešanj na temu događaja 1992 -1995. Pored toga urađeno je i slijedeće: Učešće u obilježavanju značajnijih datuma na općini Tešanj, Članovima dodjeljivana pomoć za liječenje i smrtne slučajeve. Pružili su i podršku dalju radu Udruženja civilnih žrtava rata 1992-1995, Učestvovali na druženjima dobitnika najviših ratnih priznanja. Daju podršku i ostalim akcijama koje se tiču članstva ali i svih boračkih populacija. Predsjednik ovog Udruženja je Handžić Hasan.

JOB Unija veterana

U protekloj godini udruženje je svoj rad usmjerilo na: Organizacija sastanaka članova udruženja, Rješavanje socijalno-statusnih problema članstva, Obilježavanje značajnih datuma iz proteklog rata, Posjete bolesnim članovima i porodicama umrlih boraca. O radu ovih Udruženja sa predznakom boračka bila je i posebna tačka dnevnog reda OV-a sa akcentom na problematiku pripadnika boračkih populacija, te predloženim mjerama. Udruženje ima prostor. Predsjednik udruženja je Mahalbašić Adem.

UG invalida rada općine Tešanj

Općinska Organizacija invalida rada u 2019. godini se angažovala na pitanjima: Pomoć članstvu u ostvarivanju njihovih prava i prati gdje su radnici raspoređeni nakon umanjenja radne sposobnosti, te po kojoj satnici rade na novom radnom mjestu. Obilazili su bolesne članove koji su u teškoj materijalnoj situaciji i učestvovali u brojnim humanitarnim akcijama i drugo. Obilježen je i svjetski Dan invalidnih osoba. Pomagali su bolesnim članovima i prilikom kupovine ogrijeva. Udruženje koristi prostorije u zgradi MUPa Tešanj, a članovi redovno učestvuju u radionicama koje organizuje Općina Tešanj. Predsjednik Udruženja je Karahodžić Hanka.

Udruženje slijepih i slabovidnih lica Tešanj

Udruženje slijepih djeluje na 4 općine (Tešanj, Doboju, Usora i Maglaj) i nema stalno angažovanog radnika, već se svi poslovi obavljaju volonterski. U protekloj godini udruženje je imalo slijedeće aktivnosti: obilježavanje dvadesetprve godišnjice USG Tešanj, obilježavanje 15. oktobra-Dana bijelog štapa, 3. decembra – Međunarodnog dana osoba sa invaliditetom. Organizovan je kurs opismenjavanja u Brajevom pismu za članove. Velika pažnja se posvećuje posjetama starim i bolesnim članovima. Turnir u golbalu koji organizuje ovo Udruženje postao je već prepoznatljiv po kvalitetu i broju ekipa koje gostuju na istom i s pravom nosi epitet međunarodnog.

Društvo za borbu protiv diabetesa „Sugar“

Društvo je nastalo dobrovoljnim udruživanjem osoba oboljelih od diabetesa i drugih građana koji su iskazali interes da na organiziran način djeluju u borbi protiv šećerne bolesti. U protekloj godini je provedeno niz aktivnosti: Aktivno učestvovali na sastancima Saveza udruženja dijabetičara i II Kongresu dijabetičara F BiH, Nastavljena je prekogranična saradnja sa udruženjima iz Hrvatske i Srbije, Aktivno učestvovali u obilježavanju svjetskog dana dijabetesa uz besplatnu kontrolu šećera i pritiska uz podjelu zdravog doručka.

Udruženje u svom radu posebnu pažnju posvećuje mladima, djeci dijabetičarima. Pored navedenog realizovan je program edukacije dijabetičara radionicama. Aktivno je provedena nabavka i podjela trakica za samokontrolu šećera u krvi, a udruženje je učestvovalo i na Evropskom prvenstvu u Futsalu za diabetičare u Sarajevu. Najznačajniji projekat Udruženja iz 2017.godine bio je nabavak aparata LYBRA za djecu koja su dijabetičari. Riječ je o senzorskim uređajima, čijim korištenjem nije potrebno izvršiti ubadanje iglom, što je veoma značajno, ukoliko se uzme u obzir broj mjerenja koja pojedini korisnici moraju izvršiti. Nabavka LYBRA- i je nastavljena i tokom 2019.godine za novu djecu koji su članovi ovog Udruženja.

UG „Održiv povratak“ Tešanj

Najveći dio dotacije od Općine se dijeli kroz jednokratne pomoći za liječenje, pomoć u sahrani i drugo. Udruženje nema kancelarijski prostor, pa se sastanci održavaju u parohijskom domu Pravoslavne crkve Tešanj. Udruženje redovno kontaktira sa Općinom po pitanju podrške povratnicima u sjetvi, ogrijevu i sl. Takođe, udruženje prati pozive resornih ministarstava te povratnike informiše oko mogućnosti podrške. Udruženje ima učešće i u podršci obnovi i sanaciji infrastrukture koju koriste povratnici na prostoru Općine Tešanj. Predsjednik Udruženja je trenutno Ristić Đorđo koji aktivno radi na informisanju povratnika o mogućnostima i pravima.

Crveni križ

U 2019. godini izvedeno je niz aktivnosti: Organizovano takmičenje iz prve pomoći (Općinsko i Kantonalno), Obuka i provjera znanja za vozače motornih vozila, Osim toga organizovane su akcije dobrovoljnog davanja krvi, obilježen 20. Decembar-Dan dobrovoljnih davalaca krvi. Organizacija je obilježila sve značajne datume kao: Svjetski dan CK, Nedjelja CK, Nedjelja borbe protiv TBC, Međunarodni dan starih i Nedjelju solidarnosti i drugo. Izvedeno je više ekoloških akcija i različitih predavanja po školama i mjesnim zajednicama, Vršeno prikupljanje pomoći za bolesne putem telefona, te akcija prikupljanja pomoći za Siriju i imigrante. Crveni križ je krajem 2019.godine posjetio i SOSO selo u Gračanici te uručio pakete za djecu prikupljene na prostoru općine Tešanj. Takođe je za podršku i rad ovog Udruženja uz pomoć Općine Tešanj i podršku privrednika u 2019.godini izvršena i nabavka vozila

Udruženje hroničnih bubrežnih bolesnika Tešanj

Rad Udruženja se provodi u druženju članova i pružanju pomoći istim. Isplaćena sredstva u vidu jednokratne novčane pomoći za kupovinu lijekova. Udruženje je u 2018.godini podržalo i štrajk hroničnih bubrežnih bolesnika s ciljem skretanja pažnje javnosti na problematiku ove populacije vezano za transplataciju organa i sl. Nakon smrti Predsjednika Udruženja Burejić Osme, održana je Skupština te je za novog Predsjednika izabran Kurtić Mirsad. U toku je promjena potrebnih pravnih i organizacionih akata kod resornog ministarstva. Udruženje nastoji i pomoći u obezbjeđivanju novije opreme za dijalizu.

Crveni polumjesec

Orijentacija je da se pomogne porodicama u socijalnoj potrebi i to tako da im se dodijele sredstva za osnovne namirnice i rješavanje stambenog pitanja. Udruženje za rad koristi prostor u zgradi Obdaništa. Većinu sredstava za pomoć dobiva iz članarina i dio od sredstava Općine Tešanj. Učestvuju

u podršci i drugim akcijama na prostoru općine i šire. Broj članova i aktivnosti ovog Udruženja je u značajnom porastu. Predsjednik ovog Udruženja je Bukvić Ahmed.

Dobrovoljno vatrogasno društvo Jelah

Društvo je u 2019. godini realizovalo slijedeće aktivnosti: Upis novih članova pionira i omladinaca, Učestvovali su na dosta Skupština Vatrogasnih društava na prostoru bivše Jugoslavije.

Na osnovu inicijative Dobrovoljnog vatrogasnog društva Jelah formiran je Vatrogasni savez ZDK. Članovi društva su se bazirali na rekonstrukciju svojih prostorija pa su tako renovirali salu za sastanke i uradili prepokrivanje krova na dijelu zgrade gdje je bilo potrebno. Sve rekonstrukcije su izvršili članovi društva lično. Takođe, Udruženje je spremno da izvrši i sve potrebne zadatke u suradnji sa Profesionalnom vatrogasnom jedinicom iz Tešnja, te da radi na podizanju kompetencija i kvaliteta usluga. Udruženja redovno ugošćava druga DVD-a te na ovaj način vrši razmjenu iskustava sa sličnim Udruženjima u BIH i okolini. U toku 2019.godine, članovi i aktivisti su radili na sanaciji posljedica poplave, dezinfekciji, te pomoći pri gašenju požara.

UŽ Naša porodica

U 2019. godini realizovani su slijedeći projekti: Humanitarne aktivnosti, Druženje sa majkama šehida, Druženja sa udruženjima žena okoline. projekat Konvoj prema Podrinju za vrijeme Ramazana ove godine nije održan, radi epidemije COVID 19, budući da Udruženje nije preuzelo rizik zbog mogućeg širenja ove bolesti. Učestvovali u organizaciji iftara i drugo. Svi poslovi u Udruženju se obavljaju volonterski.

NHU Oslonac

Nevladino humanitarno udruženje „Oslonac“ je formirano 2006.godine. Djelatnost je usmjerena isključivo u stambeno zbrinjavanje socijalno ugroženih lica koja nemaju riješeno stambeno pitanje, niti mogućnost da ga samostalno riješe zbog nepostojanja prihoda, ili iz drugih razloga.

U 2019. godini Udruženje je završilo gradnju 61-og objekta, a dosadašnji utrošen novac premašuje cifru od 1.500.000,00 KM. Za preko 30 objekata je odobrena djelimična pomoć u izgradnji. Značajno je napomenuti da su prihodi od članstva povećani i imaju tendenciju stalnog rasta. Specifično za ovo udruženje je što nema nikakvih troškova, već se sve zasniva na volonterizmu i entuzijazmu članova Savjeta i Udruženja.

Udruženje građana otpuštenih radnika RH

Udruženje je osnovano 2004.godine s ciljem ostvarivanja prava svih otpuštenih radnika iz Hrvatske. Aktivnosti u protekloj godini je bilo više, a istaknute su slijedeće: Brojni kontakti sa odvjetnicima, nadležnim institucijama i medijima po pitanju ostvarivanja prava članova (prava iz privatizacije, prava na otpremninu i prava invalida rada). Udruženje pruža besplatnu pomoć u sudskim sporovima svojih članova. U 2016. godini pokrenuta su tri sudska postupka upućena sudu u Strazburu, a u 2018.g. I 2019.g. je nastavljeno sa kontaktima u cilju rješavanja statusa ovih radnika. Do sada su djelovanjem ovog Udruženja riješeni statusi mnogih bivših radnika u R Hrvatskoj.

Udruženje radi na proširenju članstva i na drugim načinima skretanja pažnje javnosti na svoj položaj.

Vatrogasno društvo Tešanj 1905

Udruženje je ponovo registrovano 25.05.2009. godine sa sjedištem u Vatrogasnom domu. U 2019. godini realizovali su više aktivnosti: Organizovali osposobljavanje članstva u ovladavanju vatrogasnim vještinama i redovne vježbe DVJ. Članovi Udruženja su aktivni sa profesionalnom vatrogasnom jedinicom i stavljaju se na raspolaganje prilikom potrebnih intervencija na terenu. Učestvovali su i u akcijama prevoza majki šehida na godišnje druženje u organizaciji Udruženja Naša porodica, te u obilježavanju dana Civilne zaštite.

UG Penzionera

Udruženje penzionera-umirovljenika je i u 2019. godini bilo orjentisano na pomoć teško bolesnom članstvu. Udruženje putem općine koristi sredstva za podršku članstvu koja se raspoređuju na mjesečne rate. Pored toga, Udruženje je radilo na obnovi članstva i pomoći, odnosno isplati troškova dženaza i sahrana. Organizovali brojne izlete i boravak na moru. Osim toga ostvarili su uspješnu saradnju sa svim organima i organizacijama u interesu članstva.

II SPORTSKA UDRUŽENJA/DRUŠTVA

Naziv udruženja	Ukupni prihodi	Prihodi od Općine	Ukupni rashodi	Sjednice tijela	
				Preds.	Skup
NK „Tošk“ Tešanj	414468	114610	411278	14	1
NK „Borac“ Jelah	138909	48500	132836	9	2
NK „Napredak“ Šije	53712	15000	48762	15	2
NK „Pobjeda“ Tešanjka	81674	33000	69660	8	1
RK „Bosna – TS“ Tešanj	29262	20000	27761	9	1
KK „Gradina“ Tešanj	61554	18500	63102	21	1
Centar borilačkih sportova Tešanj	26322	15000	26212	8	1
Klub borilačkih sportova Jelah	15276	9000	15296	4	1
Savez za sport i rekreaciju invalida	2793	2500	2223	4	1
USR «Blinker» Kalošević	17671	3000	14975	8	1
Sportsko ribolovno društvo Jelah-Tešanj	49000	3500	43000	8	1
Društvo pedagoga fizičke kulture	6852	4500	6852	2	1
Ženski odbojkaški klub Tešanj	15600	11000	15600	4	1
Streljački klub Tešanj	45771	6000	22704	7	1
Streljački klub “Paljuge” Šije	5469	2500	6665		
Sportski savez Općine	34442	8970	33402	7	1
Karate klub „Unija“ Tešanj	22285	4000	21791	2	1
Karate klub Tešanj	22733	20400	21134	5	1
Stonoteniski klub „Nec“ Kraševo	8876	5500	8523	9	1
Biciklistički klub Tešanj	2360	2000	2207	6	1
Ženski košarkaški klub Tešanj	28916	11000	28395	11	1
Tekvando akademija Šije-Tešanj	6210	3000	5470	3	1
Udruženje “Paintball Lasta” Vukovo	2550	2500	2539	5	2

NK „Tošk“ Tešanj

Nogometni klub TOŠK je u 2019.godini nastavio dobar niz započet 2017.godine kad se plasirao u I ligu F BiH. Imaju 5 selekcija i to: seniori, juniori, kadeti, pioniri i predpioniri. Ukupno u radu kluba je zaposleno i angažovano 11 licenciranih trenera. Jedan od ciljeva kluba iz sezone 2016/17 selekcije kadeta i juniora je bio prelazak u viši rang takmičenja, i to u Omladinske lige BiH čime je ispunjen uslov za ulazak ekipe seniora u Prvu ligu FBiH, što su i učinili. U toku 2019.godini nastavili su sa takmičenjima. Uspješan rad uprave ovog kluba dao je rezultate. Za potrebe kluba uz podršku Općine Tešanj nabavljena je i traktorska kosilica. Prošla sezona I lige Federacije za ovaj klub je završila III mjestom.. U infrastrukturi u toku 2019.godine, saniran je travnjak, promijenjeno oko 1000 m2 busenja, postavljeno je oko 5000 stolica na tibunama, riješeno navodnjavanje, saniran prostor klubane i svlačionica, te sprat prostorija kluba, a izvršeno je priključivanje i na gradsku toploodnu mrežu. Klub ima i vlastitu školu fudbala Na čelu kluba trenutno je Mujčić Edin.

NK „Borac“ Jelah

U 2019. godini, kao i ranije su sve selekcije kluba su imale redovno ligaško takmičenje (seniorska selekcija, juniors, kadetska, pionirska, predpionirska i ženska selekcija). Klub je organizirao 22.memorijalni turnir „Sakib Subašić-Manga“, te 10.memorijalni turnir „Ibrahim Đonlagić“, škola nogometa je učestvovala na turnirima u Hrvatskoj i nekoliko gradova BiH. Provedena izgradnja i uređivanje stadiona i objekata (nisu završeni svi planirani radovi). Završeno je postavljanje stolica na tribinama, ali i uređenje terena sa vještačkom travom. Izvršeno izmještanje dijela ograde, saniran prostor za NVO “NVO Kutak”, kao i ostali radovi na održavanju infrastrukture kluba. Klub konstantno radi na poboljšanju uvjeta rada, treninga i igre. Uz podršku Općine Tešanj Nabavljena je i traktorska kosilica. Takođe u 2019.godini je urađena kompletna rasvjeta na pomoćnom terenu sa vještačkom travom, saniran sprat klubane. Klub trenutno ima 9 trenera (1A, 4 B i 4 C licenca) koji rade sa selekcijama i školom fudbala. Predsjednik kluba je Subašić Senad.

NK „Napredak“ Šije

Klub se takmičio u Kantonalnoj ligi ZDK sa ekipom u seniorskoj konkurenciji, kao i sa Omladinskim selekcijama koje se takmiče u okviru lige Zeničko – dobojskog kantona. U toku 2018. godine odigrano je preko 20 utakmica kako domaćih, tako i gostujućih u svim kategorijama koje su se takmičile. Klub je u prethodne dvije godine radio na poboljšanju uslova za rad i uređenju infrastrukture. Seniori kluba broje 28 članova, pioniri 18, predpioniri 21. U prosjeku 150 navijača prati ovaj klub na utakmicama. Klub je u 2019.godini uz podršku Općine Tešanj poseban akcenat stavio na rješavanje dodatnog prostora potrebnog za potrebe kluba kupovinom parcele koja se nalazila uz stadion.

NK „Pobjeda“

U 2019. godini, pored redovnog takmičenja, Organizovana je škola fudbala za djecu od 7-9 godina. Rade u zajedničkom prostoru sa NK “Usora” iz Usore i to je specifičnost uvjeta rada ovog sportskog društva. Takmiče se u kantonalnoj ligi.

Redovno se takmiče i treniraju na ovom terenu. Rukovodstvo NK “Pobjeda” je opredijeljeno da u dogovoru sa NK Usora i dalje izgrađuju sadržaje na ovom prostoru što iziskuje i dodatna sredstva, angažman svih aktera u navedenom procesu, ali i veći stepen razumjevanja i tolerancije shodno ciljevima osnivanja i području djelovanja. I u toku 2019.godine klub je imao teškoća sa terenom i prostorom koji koristi, te je Općina morala dodatno intervenirati da bi se nastavile utakmice na ovom terenu. Održano je i više sastanaka sa predstavnicima Općina Usora, Općine Tešanj i NK Usora. NK je nabavio autobus za potrebe kluba. Utakmice u toku sezone posjeti oko 9000 gledalaca. Ovaj sportski klub je bio jedan od nosilaca aktivnosti u ReLOaD projektu, koji su uspješno realizovali.

RK „Bosna – TS“ Tešanj

Klub je osnovan 1958. godine U okviru Rukometnog kluba djeluje i dobro oranizovana Škola rukometa, sa osposobljenim trenerima, koja obuhvata četiri selekcije osnovaca i srednjoškolaca, koje se takmiče u Kantonalnoj rukometnoj ligi mladih. Klub se takmiči u prvoj ligi F BiH grupa “Sjever”. Održavaju i dobre odnose sa ostalim srodnim klubovima u regionu. Klub je organizovao memorijalni turnir u rukometu "Fuad Prnjavorac Fudo". Klub je 2018.godine obilježio 60 godina svoga rada i postojanja. U toku 2019.g. došlo je do određenih promjena na čelu kluba. Dugogodišnji aktivista Čusto Refik je okončao svoj angažman unutar kluba, a trenutno je na mjestu predsjednika kluba Šišić Mustafa.

KK „Gradina” Tešanj

KK „Gradina“ Tešanj je dva puta osvojio prvo mjesto u A1 ligi F BiH. 2017. godine odigrano je oko 90 redovnih ligaških utakmica, a imajući u vidu turnire i prijateljske i pripremne utakmice, odigrano je više od 130. Stoga je i održano oko 500 treninga za razne selekcije u dvoranama SRC, OŠ Huso Hodžić, Musala, Krndija i Medakovo. U Tešnju je odigran Međunarodni turnir u košarci „Avdo Rakić Rogo“, učestvovala ekipe iz BiH i R Hrvatske. Klub je sa sve 4 selekcije u 2017.godini igrao u Final four ZDK, a pioniri su osvojili drugo mjesto. Seniori će se održati u prvoj A1 ligi, a dalji napredak bi iziskivao i veća sredstva za klub, te stoga klub ne gaji prevelike ambicije.

U toku 2019.godine ovaj klub je takođe zabilježio pozitivne trendove., pioniri 3. u BIH, kadetkinje 3 u BIH, Seniori osvojili 2. turnira u košarci, Dva turnira Amir Jupić Pidžama i Avdo Rakić Rogo, juniori su učestvovali na federalnom prvenstvu 2018. i 2019. godine. Na utakmicama kluba bude prisutno od 150 do 300 gledalaca .

Centar borilačkih sportova Tešanj

Realizovana dva projekta i to „ Državna Prvenstva, KUP-ovi BiH i Međunarodna takmičenja“, te „Tešanj Open 2019“. CBS Tešanj je u samom vrhu ekipa po ostvarenim rezultatima u Kickboxing savezu BiH na domaćim i međunarodnim takmičenjima. U 2019 učestvovali na svim državnim i međunarodnim takmičenjima koja su na kalendaru saveza BiH. Osvojen je veliki broj medalja.

Šahovsko društvo „Tešanj“

Šahovsko društvo „Tešanj“ svoju pažnju usmjerava na promociju, razvoj i popularizaciju šaha među omladinom. Redovno učestvuju na takmičenjima na nivou Kantona, Federacije, te BiH, a ostvaruju i značajne rezultate. Djeluju u prostoru koji se nalazi u zgradi MZ Tešanj. Društvo okuplja veći broj mladih perspektivnih šahista, koji uz stare kadrove izrastaju u jednu kvalitetnu generaciju koja će uspješno moći da parira i trenutno kvalitetnijim klubovima. Suradnja sa MZ Tešanj je na zadovoljavajućem nivou. Turnir koji organizuje ovo šahovsko društvo svake godine okuplja respektabilan broj učesnika. Takmičari iz ovog društva učestvuju na turnirima u BiH. Društvo predstavlja dobru simbiozu starih i mladih ljubitelja šaha.

Klub borilačkih sportova „Borac“ Jelah

Takmičari kluba su nastupili na takmičenjima za sve selekcije i formirane su ekipe za sve kategorije. Učestvovali su u predlaganju za Izbor sportiste ZDK. Klub se redovno takmiči na međunarodnim i domaćim takmičenjima. Trenutno broji 71 član. Uzeli su učešće na Europskom kickboks kupu u Karlovcu, Internacionalnom kickboks kupu „GRAND PRIX“ U Ilidži. Takmičenja u Banjaluci, Bihaću, Zenici, Tešnju, Foči, Budimpešti, Makedoniji, Bijelom Polju, Odžaku, Kutini, Zagrebu. Klub je u protekloj godini dosta radio na omasovljenju, kao i na poboljšanju uslova rada i nabavci opreme. Osim medalja, o klubu govori i proglašenje jednog takmičara za najboljeg sportistu juniora ZDK, a isto je nastavljeno i u toku 2019.godine.

Savez za sport i rekreaciju invalida

Članovi Saveza su vrlo aktivni u sredinama i općini kada je u pitanju sport za invalide. Pored općinskih takmičenja, značajno je pomenuti individualni rad pojedinaca koji imaju i vrhunske rezultate u šahu, streljaštvu i ribolovu. Udruženje ima oko 70 aktivnih članova i 50 koji povremeno imaju neke aktivnosti putem Udruženja. Udruženje koristi prostorije zajedno sa Udruženjem slijepih Tešanj. Realizovali projekat „Sportom i rekreacijom do ozdravljenja“, takmičenje invalida. Stalno imaju rekreativne treninge u šahu, streljaštvu, stonom tenisu. Udruženje je u 2018.godini pokrenulo i aktivnosti na uspostavi novog Udruženja Streljački klub osoba sa invaliditetom. Ovo su učinili iz razloga što se posebne propozicije primjenjuju u ovim takmičenjima, više kategorija invalida, te uvjeti za takmičenje nisu identični sa „zdravim“ takmičarima. Nakon uspostave SKOSIja Tešanj, odmah su obilježeni značajniji sportski rezultati i značajni plasmani takmičara i ovog Udruženja. Isti su nastavljani i 2019.godine, te je SKOSI Tešanj u samom vrhu po rezultatima.

USR «Blinker» Kalošević

Najznačajnija aktivnost USR u 2019. godini: Ekološke akcije Dan Planete i Dan voda, Takmičenja u ribolovu u povodu Dana MZ Kalošević i Memorijalni kup Mustafa Mević Pučo, Organizacija manifestacije „Fišijada“ i takmičenje u ribolovu Općine, školu ribolova. Izvršili su i poribljavanje jezera u Mrkotiću, a izdali su i Bilten Udruženja. Udruženje je aktivno sa Udruženjem „Mladi Mrkotić“ MZ Mrkotić i MZ Kalošević na uređenju prostora oko jezera „Mrkotić“ koje stalno dobiva nove sadržaje. Trenutno posjetioci imaju na raspolaganju Wifi, odbojku u pijesku, fudbalski teren, stazu za setnju, prostorije za druženje sa osiguranim mokrim čvorom, a sve je osigurano i videonadzorom. Postali su značajan partner za sve aktivnosti koje se organizuju na ovom prostoru, te učestvuju redovno u edukacijama koje organizuje Općina Tešanj.

UG Sportsko ribolovno društvo Tešanj-Jelah

Društvo je osnovano 1947. godine pod nazivom SRD „Usora-Jelah“. Tokom 2019. godine ostvarene su sljedeće aktivnosti udruženja:

1. Otvaranje ribolovne sezone 2019. godine – takmičenje u okviru Udruženja;
2. I Liga BiH
3. Organizacija „Male škole ribolova 2019“;
4. Organizovan je „Međunarodni kup 2019“;
5. Odlazak na međunarodna kup takmičenja u BiH i susjednim državama;

Članovi Udruženja su redovni učestvovali više ekoloških akcija u općini Tešanj. Trenutno rade na projektu revitalizacija rijeke Usore, te će dati i svoj angažman u projektu "Čista Rijeka Bosna" budući da egzistiraju na pritoci ove rijeke.

Društvo pedagoga fizičke kulture

U 2019. godini Udruženje se bavilo podrškom i takmičenjima u sportovima: košarka, nogomet i odbojka za žene. Društvo je ostvarilo dobru saradnju sa sportskim klubovima i pružilo pomoć školama u organizaciji takmičenja. Značajan projekat su Male olimpijske igre 2019. Takođe Društvo djeluje savjetodavno nakon obavljenih olimpijskih igara prema Sportskim klubovima u smislu davanja preporuka i predispozicija za bavljenje određenim sportom. Društvo broji 22 člana, od kojih su 2 ženska.

Ženski odbojkaški klub Tešanj

Ženski odbojkaški klub Tešanj se takmiči u sklopu 1. Lige F BiH. U 2019. godini u ovom klubu je trniralo i takmičilo se 38 članova, pionira i kroz školu odbojke. Škola odbojke se priprema za ligu mladih. Jedna odbojkašica je član kadetske i juniorske reprezentacije BIH.

Streljački klub «Tešanj»

Organizovano takmičenje učenika u streljaštvu na nivou općine. 2019.g. Izvršen izbor novog rukovodstva kluba. Formirane su sekcije kluba u Miljanovcima, Jablanici, Mrkotiću i LD Kiseljak. Nabavljeno je novo streljačko naoružanje dvije puške Hammerly ar 20. Od januara 2018.g. punopravan su član SS BIH. Klub je dao značajan podstrek promociji ovog sporta na prostoru općine Tešanj, a rezultati koje ostvaruju članovi ovog kluba su iznenađujuće pozitivni i svrstavaju ih u sami vrh kvaliteta u BIH. Društvo ima 26 registrovanih članova. 2019.godina ovo društvo je imalo i prvaka F BiH Omerbašić Nadinu. Članice ovog streljačkog kluba su završetkom sezone u Premijer lizi BIH, zauzele ukupno drugo mjesto, odmah iza kluba iz Sarajeva .U ukupnom poretku ove lige naše takmičarke su, iako uzrastom spadaju u kadetkinje, u juniorskoj i seniorskoj konkurenciji osvojili treća mjesta, pehar i bronzane medalje. Na turniru u Hrvatskoj osvojeno drugo mjesto, te srebrna i bronzana nagrada za takmičarke. Na turniru u Visokom povodom Dana državnosti su osvojili prvo mjesto, pehar i zlatnu medalju, te niz pojedinačnih. U Federalnoj ligi, na završnici ovaj klub je ostvario u sve tri kategorije prva mjesta (Kadeti, Seniori, Juniori), donio pehare u Tešanj te pojedinačne medalje. Tu su učešća na takmičenjima u Bugojnu, Tešnju, Novom Travniku, ali i svjetskom ISSF World Cup 2019, gdje je Nadina Omerbašić prebacila 600 krugova, te potvrdila svoj talent. Održana su i takmičenja učenika osnovnih i srednjih škola, te pokrenuta radnička liga u streljaštvu.

Streljački klub «Zigana» Tešanj

U okviru kluba djeluje pet sekcija: edukacijska, lovačka, sekcija pištolj/revolver/IPSC, sekcija malokalibarsko/vazdušno oružje i air soft sekcija. Klub je u 2019. godini organizovao takmičenja za djecu osnovnoškolskog uzrasta u gađanju iz vazdušne puške. Za članove Kluba organizovano je gađanje iz pištolja, kao i takmičenje članova Kluba u gađanju letećih meta (glinenih golubova).

Sportski savez Općine

Krovna sportska organizacija općine Tešanj.

Savez je u 2018. godine realizovao manifestaciju „Izbor sportiste godine općine Tešanj 2018. Također, Savez je učestvovao u Komisiji za odabir projekata sportskih klubova ZDK i Komisiji za odabir projekata udruženja građana općine Tešanj. Pružana je podrška klubovima u realizaciji njihovih projekata. Neki od projekata koje je Sportski savez podržao i pomogao u organizaciji su: Male olimpijske igre. Sportski savez Općine Tešanj je u prethodnoj godini realizovao projekat preko UNDP-a u okviru ReLOaD programa, a u koji je uključeno i više sportskih klubova i veliki broj učesnika, naročito djece. Savez je uzimao učešće i u raspravama o Strategiji razvoja Sporta ZDK i Zakona o sportu koji su u pripremi. Krajem 2018.godine došlo je i do promjena na čelu Sportskog saveza, gdje je umjeto dosadašnjeg predsjednika Sejdić Besim, imenovan Alić Adnan. Sekretar je Srkalović Mirsad. U Savez su uključena dva sportska društva. Općina Tešanj ima jako dobru saradnju sa Sportskim savezom, te nastojimo da sve aktivnosti koordiniramo.U 2019.godini nosilac uspješnog projekta kroz ReLOaD poziv UNDP-a, drugi projekat po redu u ovom pozivu, ocjenjeni sa najvišim ocjenama od strane UNDP-a.

Karate klub „Unija“ Tešanj

Karate klub „Unija“ egzistira u Tešnju već 9 godine. Okuplja djecu, razvija sport, organizuje karate polaganja i uspješno učestvuje na raznim takmičenjima. Trenutno klub broji 60 članova. U 2018. godini Klub je dva puta organizovao polaganje ispita članova kluba pred Komisijom delegiranom od strane karate saveza BIH. Učestvovao je na 15 takmičenja u BIH, te 3 u Hrvatskoj na kojim je osvojio oko 300 medalja. 2019.godina za ovaj klub je takođe bila dobra uz značajno učešće na domaćim i stranim turnirima, te veliki broj medalja.

Stonoteniski klub „Nec“Kraševo-Tešanj

Klub je osnovan 2012. godine. Klub je održao Omladinsku školu stonog tenisa za mlade do 18 godina koja je realizovana u potpunosti i predstavlja izuzetno dobar način da se mladi edukuju iz oblasti stonog tenisa. Klub se premjestio u Tešanj i izvršio izmjenu podataka. U 2017.g. Nabavljena je nova oprema za treninge (stolovi, ringovi, reketi, mrežice, loptice i sl) a s ciljem da u narednom periodu mogu značajnije nastupiti na domaćim i drugim takmičenjima. U 2018.g. Održan je četvrti međunarodni turnir “Tešanj open 2018”, i to na najvišem mogućem nivou. Osim turnira, klub učestvuje i u Federalnoj lizi za stonotenisere, te daje značajan doprinos razvoju ovog sporta na prostora općine Tešanj putem škola i dislociranih treninga. U 2019.godini klub je nastavio s radom, te u dobroj mjeri zahvaljujući izgradnji 4 školske sale planira u narednom periodu izmjestiti i dio treninga u Kalošević i vjerovatno Miljanovce radi stvaranja kvalitetnih sekcija i u ovim sredinama

Biciklistički klub Tešanj

U 2018.g. nije uspio organizovati biciklijadu. Uzeo je učešće na seminarima iz biciklizma i ekologije, te biciklističkoj turi Vlašić-Paljenik.

Najznačajnija aktivnost kluba je odlazak članova biciklima na relaciju Tešanj – Srebrenica 2019 koji su na taj način odali počast žrtvama genocida. Rađeno je i na omasovljavanju članstva i nabavljeni su dresovi sa logom Kluba i Općine. Organizovano je niz promotivnih vožnji za sve članove, odlazak na pozivne biciklijade. Predstavnici kluba učestvuju u radionicama koje organizuje Općina Tešanj, ali zbog same prirode sporta ovo Udruženje nema u planu posebno razvijati ljudske resurse za izradu aplikacija i projekata.

Ženski košarkaški klub Tešanj

Klub je osnovan 2014. godine sa primarnim ciljem popularizacije svih onih moralnih vrijednosti koje se mogu steći kroz sport uopće, a posebno žensku košarku. 21.03.2016. godine pokrenuta i muška škola košarke kao sekcija kluba, pod nazivom KK Tešanj, čime je značajno povećan broj članova kluba, te su angazovana još dva trenera. Nominovani i izabrani sportisti općine Tešanj iz kluba: Almina Čehajić – najuspješnija sportistkinja i Džejna Spahić - mlada nada. ŽKK Tešanj je zajedno sa direktorom OŠ Huso Hodžić Tešanj, gosp. Osmom Hurićem, a zahvaljujući sponzorima, učestvovao u nabavci i zamjeni stare rasvjete u sportskoj dvorani, uređenju vanjskih košarkaških terena, sa novom stolarijom na svlačionicama, sportskim semaforom, ventilatorima i pomoćnim koševima u dvorani, te izgradnjom KOMPLETNE učionice u prostorijama škole. Informacije o radu kluba postoje i na zvaničnim stranicama KS BIH i FIBA WABA lige. Takmiče se se u ligi mladih KS Zenica, A1 ŽOL BIH, WABA ligi. Trenutno klub bilježi značajan napredak i donosi pobjede na takmičenjima u inostranstvu. 3. mjesto u Europi na basketball turniru Wien 2018, 1. mjesto liga mladih KS Zenica sezona 2017/2018, 3.mjesto ženska omladinska liga BIH 2017/2018. 2019.godine je bila posebno je bila uspješna i za licence koje su dobili treneri ovoga kluba. Osvojili su bronzanu medalju na turniru u Mađarskoj, te održale niz trening utakmica prijateljskog tipa.

Tekvando akademija Tešanj

Akademija je djelovala u Šijama, a krajem 2016.godine sjedište je preseljeno u Tešanj. Uredili su prostor za treniranje i nastavili sa aktivnostima Udruženja koje broji preko 120 članova. Do sada su osvojili preko 500 nagrada sa takmičenja. Iznajmljuju prostor za trening i nemaju vlastiti. Samo u 2018.godini učestvovali su na 16 turnira, 10 u BIH, 6 u inostranstvu. Osvojili 144 medalje i 12 pehara. Od medalja 57 zlatnih, 54 srebrne i 33 bronzane. Proveli su projekat koji je finansiran od strane Općine i to takmičenje pod nazivom “Tešanj open 2019”. Najznačajnije medalje srebro sa Evropskog takmičenja u Turskoj i i Srebro sa olimpijskog kvalifikacionog turnira.

Udruženje Paintball "Avantura" TEŠANJ

U 2019. godini udruženje je svakodnevno treniralo i učestvovalo u organizovanju turnira i uzelo učešće u nekoliko njih. Njihov turnir Avanturafest imao je imao veliki broj ekipa koje su uzele učešće. Imaju vlastiti paintball teren koji se može koristiti i rekreativno. Učestvovali su na 5 turnira u paintballu. Razvijaju suradnju s drugim Udruženjima u realizaciji projekata. Imaju 30 stalnih članova.

Udruženje Paintball "LASTA" Vukovo

U 2019. godini udruženje je imalo redovne treninge i učestvovalo u organizovanju turnira MZ-ica u paintballu, te Memorijalnog turnira "Adem Omahić-Omaha". Učestvovali su na turnirima u zemlji i inostranstvu. Udruženje broji preko 70 članova, od toga nešto preko 30 aktivnih.

KK "Heroji-Basketball Heroes" Tešanj

Redovni treninzi su se obavljali na četiri lokacije i to u Tešnju, Tešanjci, Jelahu i Matuzićima. Odigran je jedan turnir za članove kluba Klub trenutno ima 130 članova. Odigrane su četiri prijateljske utakmice sa ekipama iz Tuzle, Zenice i Sarajeva. Održan je turnir za članove. Učestvovali na ljetnom kampu na Vlašiću. U toku zimskog kampa na Vlašiću održana je i škola skijanja. Treninzi se obavljaju u OŠ u Tešnju. U toku 2018.godine nabavljena je i oprema za trening uz podršku Općine Tešanj. U 2019.godini organizovan turnir.

SKOSI Tešanj

Streljački klub osoba sa invaliditetom, osnovan 2018.godine, za kratko vrijeme postigao veoma značajne rezultate. Iako su predstavnici Udruženja imali jako dobru suradnju sa Streljačkim klubom Tešanj, specifičnost potreba takmičenja osoba sa invaliditetom, dovela je do uspostava klubova u većini sredina sa akcentom na ovu populaciju, te se već razvijaju i mnogi visokorangirani turniri, ali i rezultati ne isostaju. Bitno je napomenuti da uz minimalnu podršku su ostvarili jako velike rezultate, a sami vid organizacije ovih događaja je i jedan vid terapije i psihološke podrške. Općina Tešanj očekuje i dalje dobre rezultate od strane ovog kluba.

Škole fudbala TREMED (Trepče Medakovo) i Šampion

Formirane na terenu gdje u blizini ne postoji fudbalski klub, radi druženja i podrške mladima koji žele da postignu bolje rezultate u ovom sportu, ali i da treniraju i slobodno vrijeme koriste na kvalitetan, zdrav način. Članovi ovih škola fudbala su uzeli učešća na mnogim turnirima na prostoru BiH.

III UDRUŽENJA U OBLASTI KULTURE

Naziv udruženja	Ukupni prihodi	Prihodi od Općine	Ukupni rashodi	Sjednice tijela		Broj članova
				Predsj.	Skupš.	
KUD «Izudin M.Izo» Jelah	10066	5000	8593	8	1	55
KUD «Behar» Tešanjka	6603	4000	2375	7	1	80
UM «Alkatmeri» Tešanj	9700	2000	10984	2	1	10
UG "Bosanski sevdah" Kraševo	5180	2500	3610	8	1	70
KUD "Pobjeda" Tešanj	10482	4500	9157	19	2	73
UG "KRIN" Kalošević	5400	2000	5984	5	1	50
HKDU "Napredak" podružnica Tešanj	5700	1000	5939	12	6	30

KUD „Behar“ Tešanjka

Društvo broji 80 članova podijeljenih u 3 sekcije a najbrojnija je folklorna sekcija. Djeluju u okviru prostorija MZ Tešanjka. KUD je imao više nastupa na kojima je prezentovao običaje i tradiciju svog kraja: Organizacija julskih manifestacija "Tešanjka 2019", Manifestacija je ušla u I kategoriju po kvalitetu i normama. Organizovali su Međunarodnu smotru folkloru. Učestvovali su na smotrama folkloru u zemlji i inostranstvu. Rade na edukaciji koreografa, te uvježbaju nove koreografije. Mlađi predstavnici ovog Udruženja učestvuju i u radionicama koje organizuje Općina Tešanj.

KUD „Izudin Mulabećirović Izo“ Jelah

Organizacija tradicionalnih manifestacija tokom 2019.god. : 15 tradicionalni dječiji festival „Djeca pjevaju hitove“, 22.tradicionalni festival folklor, 7. festival „Veče uz tamburu“. Redovno učestvuju na festivalima u zemlji i inostranstvu, te imaju veliki broj prijatelja i gostiju širom svijeta. .

UM Tamburaški sastav „Alkatmeri“

Tamburaška sekcija u okviru KUD-a Pobjeda je osnovana 1986.godine. U 2018. godini organizovali su koncert „Tešanj sevdah fest Tešanj 2019“ i "Večeri Starog grada". Broje ukupno 15 aktivnih članova i 5 počasnih. Njihov predstavnik Ismet Pašalić je redovan gost na svim edukacijama, radionicama koje organizuje Općina Tešanj, te je spreman podijeliti svoja iskustva sa mlađim naraštajima. U 2019.godini nosilac jednog projekta u ReLOaD pozivu.

KUD „Pobjeda“ Tešanj

Provedene aktivnosti u toku 2019.godine su: XVII Smotra folklor, Bajramski koncert i Godišnji koncert. Gostuju na festivalima u okolini, na prostoru BiH i regiji, te ostvaruju zapažane nastupe. Učestvuju povremeno na edukacijama koje organizuje Općina Tešanj.

Folklorni ansambl "Bosanski sevdah" Kraševo

Udruženje je u 2019. godini održalo svečanost povodom obilježavanja osme godišnjice rada udruženja, nekoliko gostovanja u BiH, održana deveta međunarodna smotra folklor, Učestvuju redovno na proslavi dana MZ Kraševo, ali razvijaju i partnerske odnose sa drugim Udruženjima u zemlji i inostranstvu uz gostovanja i nastupe. Okupljaju mlade sa prostora MZ Kraševo.

IV OSTALA UDRUŽENJA GRAĐANA

Udruženja sa različitim programskim ciljevima:

Naziv udruženja	Ukupni prihodi	Prihodi od Općine	Ukupni rashodi	Sjednice tijela		Broj član.
				Pred.	Skupš	
UG za zaštitu i uzgoj sitnih životinja	15000	3500	14500	50	1	80
UG «Jelašanke» Jelah	2280	1200	1892	3	1	30
UG «Pčela» Tešanj	13657	3200	11687	4	1	56
Odred izviđača «Crni vrh» Tešanj	8621	5500	8386	24	1	321
Udruženje «Stari grad» Tešanj	21634	2500	15087	6	2	200
UG žena "Ruka" Kalošević	3658	1500	2694	3	5	20
Udruženje civilnih žrtava rata	10952	1000	8626	3	1	64

Udruženje građana za uzgoj i zaštitu sitnih životinja Tešanj

Udruženje je osnovano 09.03.1999. godine. U 2019. godini organizovali su: 19. međugradsku i 12. međunarodnu izložbu sitnih životinja, Učestvovali su na nekoliko izložba u BiH, a redovno obilježavaju i 4.Oktobar - Dan sitnih životinja. Naročito veliki broj aktivnosti, ovo Udruženje je imalo 2018.godine, jer je završilo i vlastite prostorije, te su početkom 2019.godine izvršili i svečano otvaranje istih.

UG „Eko-mladi“ Jablanica

Udruženje je formirano 2007. godine, a osim osnovnog sadržaja druženja i edukacije mladih, u fokusu je bilo i promovisanje volonterskog rada, uključivanje mladih u razvoj uže i šire zajednice i zaštita životne sredine. U protekloj godini uspješno je realizovano više projekata: „Najljepše uređeno dvorište 2018-općina Tešanj“, Realizacija projekta PET ambalaže u saradnji sa školama, Edukacija kadrova i veći broj ekoloških akcija, Doprinos obilježavanju Dana Mjesne zajednice, Podrška i saradnja sa MZ Jablanica i udruženjem "Tragovi Crni Vrh", predstavnici učestvovali na nekoliko sastanaka / edukacija / treninga u sklopu projekta Jačanje uloge Mz u BiH koji realizuje UNDP, te mnoge druge aktivnosti.

UG „Pčela“ Tešanj

Udruženje je osnovano 25.05.1998.godine. Najznačajnije aktivnosti u 2019. godini su: Organizovan tradicionalni Sajam pčelarstva „Tešanj 2019“ na kome je učestvovalo više izlagača sa Općine i šire, realizovana stručna predavanja za pčelare, ostvarena saradnja sa pčelarima iz regiona.

Udruženje je takođe putem UNDP-a program ReLOaD dobilo odobren projekat, koji je uspješno realizovan na prostoru općine Tešanj. Ideje koje predstavnici ovog Udruženja izlažu su za svaku podršku. Učestvuju u edukacijama koje organizuje Općina Tešanj

Jedinstvena organizacija mladih (JOM)

Udruženje osnovano 2002. godine. Neke od najvažnijih aktivnosti u 2019. godini su: Organizacija manifestacije “Rastok”. Sva događanja su bila dobro posjećena i medijski prapraćena. Udruženje je svoj rad posvetilo edukaciji mladih o ponašanju na sportskom terenu i van njega.

Udruženje privrednika „Biznis centar“ Jelah – Tešanj

U 2019. godini Udruženje je realizovalo 15. sajam privrede „Biznis 2019 Tešanj“. Organizovani sajam je bio korak dalje u odnosu na dosadašnju organizaciju. U protekloj godini održana je redovna godišnja skupština a rađeno je i na povećanju broja članova. Udruženje daje podršku i socijalno-osjetljivim programima, te aktivno radi na poboljšanju prilika i pripremanja Sajma za 2020.godinu.

UG Odred izviđača „Crni vrh“ Tešanj

Udruženje je u protekloj godini realizovalo dva projekta finansirana od Općine: "Takmičenja, izleti, susreti, edukacije, logorovanja". Učestvovali su i u akciji uređenja Kiseljaka, te organizovali Međunarodne susrete izviđača u Tešnju. Udruženje je dobitnik raznih priznanja, a od 2008.g. Do 2015.g. su bili državni prvaci na takmičenjima, Pohvaljivani više puta, a dobitnici su i Plakete grada Tešnja za 2010.godinu.

Izviđači učestvuju u špaliru u obilježavanju svih značajnih datuma Općine Tešanj što je svakako i njihov dodatni doprinos. Predstavnici Udruženja redovno učestvuju u edukacijama na nivou općine.

Udruženje «Stari grad» Tešanj

U organizaciji Udruženja „Stari grad“ Tešanj u 2019.godini, IX Likovna kolonija Tešanj 2019, te projekat “Vidimo se na tešanjskoj gradini”. Udruženje je veoma aktivno u promociji Starog grada Tešnja, gradine, te se sve aktivnosti i održavaju na ovim lokacijama. Takođe je zaslužno za organizovan doček Nove godine na čaršiji. Nosilac jednog od projekata po ReLOaD pozivu, kao takvi prvi put učestvovali, ali ocjenjeni kao pouzdan partner.

Udruženje građana “REZ” Tešanj

Udruženje je provelo nekoliko aktivnosti u toku 2017.godine i to: Pomoć pri osnivanju Radio-kluba “Pousorje” koji već svojim uspjesima i aktivnostima opravdava postojanje i zaslužuje pažnju zajednice. Do sada realizovani projekti, otisak tradicije, Zasadi cvijet za bolji svijet, Međunarodni dan mira, Učešće na nakoliko debata i okruglih stolova. U toku 2018.godine Udruženje je imalo jedan projekat finansiran iz Budžeta Općine Tešanj koji je uspješno implementiran.

Udruženje žena "Ruka" Kalošević

Udruženje postoji šest godine i u svom dosadašnjem radu angažovalo se na edukaciji žena iz raznih oblasti (zaštita ljudskih prava, biznis treninzi, škola za uzgoj ljekovitog bilja). Uz podršku Općine realizovali projekte “Ekonomski osnažena žena je jaka žena” i “Želimo da radimo”. U 2017.godini, Udruženje je takođe dobilo projekat kroz ReLOaD od strane UNDP-a u kome učestvuje sa još dva Udruženja iz Tešnja, ali i radilo na projektima: Ekonomsko osnaživanje i jačanje poduzetničkog duha žena, Žene za budunost. Udruženje redovno učestvuje na sajmovima, a imale su i posjetu potpredsjednice F, Melike Mahmutbegović. U toku 2018.godine Udruženje je aktivno učestvovalo na radionicama koje je organizovala Općina Tešanj, te sa jednim vlastitim projektom “Ostanimo jake” dobilo podršku kroz Budžet Općine Tešanj. Udruženje je bilo i partner na sajmu meda u Tešnju, sa udruženjima Pčela i Sehara. U 2019.godini uspješan partner na projektu ReLOaD, “Proizvodi tešanjskih žena”

Udruženje žena “Jelašanke” Jelah

Formirano 2012.godine, ima ukupno 54 člana od kojih je 35 članova aktivno i angažovano kroz Udruženje. Rade na očuvanju bosanskih tradicionalnih jela, izradi rukotvorina, edukacije i slično.

Rade na poboljšanju položaja žene u društvu, očuvanju kulture i tradicije, te razmjenjuju iskustva sa istim i sličnim Udruženjima žena o okolini i šire. Najznačajniji projekat koji je uvijek podržan i od strane Općine Tešanj je gastro-izložba, gdje sa ženama iz srodnih Udruženja naprave pravi festival ukusa domaćih i narodnih jela. Gastro-izložba se većinom organizuje u okviru manifestacije Jelaško Ljeto, a sadržaje sa svojih izložbi spremne su ponuditi i prilikom kakvih drugih događaja i slično. Afirmišu pozitivne porodične vrijednosti.

Plesni klub "Pobjeda-WIN" Tešanj

Aktivnosti udruženja u 2019. godini su: Organizacija 6 Međunarodnog Turnira u Akrobatskom Rock n Roll-u, te je isti ocijenjen kao turnir na vrlo visokom nivou, kao i ranije, a u radu Udruženja su evidentirani i određeni pozitivni pomaci. Udruženje jeste skoro formirano, ali su se za kratko vrijeme plasirali za Svjetsko prvenstvo u ovoj disciplini, gdje su uzeli učešće. Prvenstvo je održano u Slavonskom Brodu. Okupljaju veliki broj mladih, te redovno uzimaju učešće na takmičenjima u BiH i regionu. Nemaju vlastiti prostor već aktivnosti i treninge obavljaju u prostoru OŠ "Huso Hodžić" u Tešnju. Klub broji 110 članova, dječaka i djevojčica, starosti od 4 do 14. godina. Uzeli su učešće na preko 10 takmičenja u toku 2019. godine, te donijeli mnoštvo medalja kao i ranije. Ovo je jedna novina u našoj sredini a interes za aktivnosti kluba stalno raste.

Udruženje "VIS" Lepenica

Formirano 2008. godine. Okuplja zainteresovane na prostoru Lepenice. Do sada su učestvovali u humanitarnim akcijama, ali i sa KUD-om "Behar" davali podršku u sklopu projekta "Julske manifestacije", gdje su organizovali noćne turnire i sl. Takođe, rade na izgradnji infrastrukture za mlade, te pripremaju aplikacije prema mogućim drugim izvorima finansiranja. Najznačajniji projekat koji konstantno odrađuju je i Turnir "Kurtić Zajim" u sklopu Julskih manifestacija, a čijom realizacijom na terenu konstantno raste kvalitet sadržaja koji koriste mladi na prostoru MZ Lepenica.

Udruženje civilnih žrtava rata 1992 -1995

Formirano 2016. g., u toku 2017. godine već postižu prve rezultate na bazi formiranja jedinstvene baze civilnih žrtava rata, uspostavljaju kancelariju, te ostvaruju suradnju sa Udruženjima na višim nivoima, ali i Institucijama za podršku ovim licima. Već su radili na dodjeli platenika, poljoprivrednih mašina i alata članovima Udruženja, što će im olakšati egzistenciju. U narednoj fazi planiraju razne edukacije za članstvo u smislu prilagođavanja poslovima pogodnim za ovu populaciju, ali i sticanjem vještina koje mogu doprinijeti boljim materijalnim prilikama ovih porodica. U toku 2018. godine, ovo Udruženje je zauzelo značajno mjesto na Kantonalnom nivou, a njegovi predstavnici već su i u Predsjedništvu ovih Saveza, te konstantno rade na novim projektima u korist svoga članstva. Učestvuju u svim radionicama koje organizuje Općina Tešanj. 2019. godina je nastavak svih dosadašnjih aktivnosti na promociji, rješavanju potreba civilnih žrtava rata.

Udruženje antifašista "Josip Broz Tito",

Broji 340 članova, bavi se promocijom antifašizma i radi na afirmaciji i obilježavanju značajnih datuma iz NOB-e na prostoru BiH i šire. Ovo je druga godina u kojoj je udruženje apliciralo s projektima prema Općini Tešanj. Za 2019. godinu takođe su vezani ovi projekti, te je Udruženja pokazalo ozbiljnost u radu na promociji antifašizma.

Od ranije na evidenciji ima i nekih Udruženja koja se nisu obraćala po našim pozivima ili koristila sredstva iz Budžeta Općine, ali su aktivna i odrađuju određene projekte.

Udruženje majki s djecom s posebnim potrebama.

Osnovano da bi kroz osnovne projektne aktivnosti osnažilo majke djece s posebnim potrebama, budući da često radi specifičnosti prilika nisu u mogućnosti zasnovati radni odnos ili privređivati. Na taj način, kroz određene projektne aktivnosti koje često mogu biti i u okviru kućne radinosti, ove žene se osnažuju i obučavaju u raznovrsnim tehnikama, (npr. Izrada nakita, platenička proizvodnja), ali i kroz druženje daju podršku jedna drugoj u prevazilaženju poteškoća i psihološkom osnaživanju ove zajednice.

Zaključni osvrt:

U 2019.godini, udruženja sa prostora općine su dala doprinos razvoju lokalne zajednice. Učestvovala su u brojnim aktivnostima, te direktno i indirektno radila na poboljšanju kvaliteta življenja na našim prostorima.

Udruženja djeluju kao grupe, koje kroz određene projekte afirmišu rad u zajednici, te doprinose boljitku njenih članova.

Primjetne su oscilacije u aktivnostima, radu, projektima, što sve ovisi i od personalno prvog čovjeka navedenih Udruženja. Nadležna Služba Općine je proteklih godina vršila monitoring na realizaciji projekata finansiranih iz Budžeta, s čime planira nastaviti i u narednom periodu.

Za preporuke koje su date ranije od strane Komisija ustanovljeno je da se primjenjuju i da je došlo do određenog poboljšanja.

Evidentno je učešće Udruženja u edukacijama koje za cilj imaju razvoj ljudskih resursa, čime se direktno utiče i na kvalitet njihovih projekata ali obnavljaju i "ljudski resursi".

I u godini koja je u toku Općina će organizovati edukacije po različitim temama, od upravljanja projektima, do same organizacije Udruženja, stepena izvještavanja i slično.

Edukacijom, Općina takođe ima namjeru ukazati i na mogućnost da se aplicira za druge izvore podrške prema Udruženjima građana.

U projektu ReLOaD, koji uz Općinu Tešanj finansira i UNDP, učestvovalo je po ovom pozivu 5 Udruženja kao partneri ili nosioi aktivnosti. Projekat je okončan krajem 2019.g. a aktivnosti naših udruženja su ocjenjena visokim ocjenama.


Evidentiran je veliki broj predstavnika Udruženja na edukacijama u projektu "Dijalog za budućnost" i sličnim istraživanjima koja su organizovana na prostoru Općine. Nakon ovoga projekta potpisan je i Okvirni sporazum "Dijaloška platforma" koja se koristi i kao izvor verifikacije za određene pozive.

Općina će i u narednom periodu potencirati na dosljednom provođenju svih procedura koje su Zakonom predviđene, od namicanja sredstava, plaćanja, računa, Odluka i sl.

Evidentno je da su, između ostalog, i aktivnosti članova Udruženja uticale na stvaranje pozitivnije slike o sredini iz koje dolaze. Svi oni se uvijek baziraju na lokalnu zajednicu, te je predstavljaju na najbolji mogući način, te time sasvim opravdano zauzimaju mjesto partnera lokalne zajednice u procesima i događajima koji se dešavaju na teritoriji općine Tešanj.

OBRAĐIVAČ:


Služba za društvene djelatnosti i
investicije


Azra Muslija, dipl.pravnik



PREDLAGAČ:

Općinski načelnik


Mr. sci. Suad Huskić

